

# Lairawn Zanniat Auaw

February  
2013

Volume 2: Issue 2  
Laai suah panna: 7,4,2012.

Published by : Zanniat Calai leh Nunphung Kawmiti, Kalaymyo **Free**

## Lee Lo Ram le Ram Lawng, Hring Thar Ram Fehdan Thu

Zanniat mi heh lailung hmun ram hman ai pum cawm hnak situ mipui kin tam ber i bang pahin lee lo ram fehdan lam thu khiah Webula (Khawfi cing ber hmun) khua ah 6.1.2013 (Sunday) nia zaan lam 2:30 -4:30 tian he a vum ai daan thu bu khiah siar hnak le rel fian hnak nai i sing. Ciami lak in kin ling kul hnakte than dun leh i sing.

### A Thu hlom (I) Khat hnak Part 1

#### Daan Thu hming le a sullam fian ruai hnak

I. He daan pawl khiah "Lee lo ram feh dan thu" tin ko i tuh i.

II. He daan lam thu ai hman hnak ponkam pawl khiah "Lailung lo ram daan thu" song ai a tel hnak bangpahin a sullam rel tel i tuh i. Cen a hnia ai ponkam te khiah a hnia ai bangin rel fian i tuh i.

#### A. Lee Lo Ram per thil khuan pehnak laai (Land Use Ringht Certificate)

Hemi laai tihnak tu U..... pa in he mi hmun ram khiah lairam per thil hnak pe i sing ti thu te ngan ai "Lee lo ram daan thu" bangai zungin a pe hnak laipui khiah a rel hnak i.

#### B. Lai Ram Siah (Man)

Hemi lai ram man thawn pehin tunai kin hman lai mi daan te bangin a pe ruai hnak lai ram siah i.

#### C. Hming khen nambat khum man

Hming khum man tihnak tu lo ram per thil hnak hming khum tuh hnakin vuanzi zungai lungkhim puihnak department ai thu pe ling ruai hnak lai suah tuh hnak ai a ngen hnak sum le pai i.

#### D. Tacik milu man

He milu man tihnak tu lee lo ram per thil hnak khuan khiah zuar hiam in i seh, pawng ap in i tuseh, zawn dun hiam in i tu seh, thleng dun hiam in i tu seh, pe dun sum dun nuam in i tu seh thu tawrel fangin thu kham dun hnak lai pui (ca chuk) ah a tel kul hnak vuanzi zung lamai lungkhim puimi i ti ai department in a khiah hnak sum le pai i.

#### E. Laipui ai lai hming khum man

He hming khum man tihnak tu lee lo ram per thil hnak khuan khiah zuar nuam in i seh, pawng nuam in i seh, zawn dun tuh in i seh, thleng dun tuh in i seh, sum dun pe dun nuam in i seh, ciami hrangah laipui hming khum bawn hnak

tuhin vuanzi zungai lungkhim puimi department in a khiah hnak sum le pai i.

#### F. Lai ram pe ai sum dun hnak

Hemi sumdun hnak tihnak tu lee lo ram per thil hnak khuan a ngah tu pa in mi dang pakhat khat hnenah a lovangin lee lo ram per thil hnak khuan khiah pe ai ap, sum dun sal hnak a rel hnak i. He pon kamah a lo vangai pe timi leh nai lo hang lon ai hlum tihnak te khai tel i.

#### G. Ram mi

He ram mi tihnak tu ram song om mi, ram song mikhual le ram mi i hnak a ngah tute ti hnak i.

#### H. Ram dang mi

He mi minung te tu ram mi ilo tu mi hmuah hmuah i.

#### I. Pawlkom ding khat

He pawlkom ti hnak tu acozah department, acozah pawlkom, acozah i lo mi pawlkom, kampani, ilole phun khat kom khawmte ti hnak i.

#### J. Bahu lee loram tawrel pawlkom

He pawlkom tu lailung loram daan thu bang pahin rampui acozah ai ding ruai hnak kaw ram pui lee lo ram tawrel tu pawlkom i.

#### K. Ram khan le ram kulh lee loram pawlkom

He pawlkom tu lailung loram daan thu bang pahin bahu lee loram tawrel tu pawlkom ai a ding ruai hnak pawlkom i.

#### L. District lee loram pawlkom

He pawlkom tu lee lailung loram daan thu bang pahin bahu lee loram tawrel tu pawlkom ai a ding ruai hnak pawlkom i.

#### M. Myone lee loram tawrel pawlkom

He pawlkom tu lailung loram daan thu bang pahin bahu le loram tawrel pawlkom ai a ding ruai hnak myone le loram tawrel tu pawlkom i.

#### N. Zatkua/Uksuh Lee loram tawrel pawlkom

He pawlkom tu lailung loram daan thu bang pahin bahu le loram tawrel tu pawlkom ai a ding ruai hnak le loram tawrel tu pawlkom i.

#### O. Zatkua/uksuh

Zatkua uksuh tihnak tu uk dun hnak lam dan thu bang pahin amah thawnin a pehpar mi myone uk dun hnak ramri songin zatkua in i seh, cia hleiah a

dang ai khua khua khat khai i tu seh khua tampui kom dun ai khua uksuh pakhatin i tu seh ramri khan ai a ding tlang mi uk dun hnak i lo le a pehzom dun hmun te ram song hmuah ti hnak i.

#### P. Pungsaan

Hemi pungsan tihnak tu le loram fehdan thute hrangin a kulhnak bangai a bawn hnak lai thute ngan hnak i.

#### Hlom II hnak

"A tun ai lee loram per thil hnak khuan a ngah cia mi hrang lailung loram per ai nai thil hnak" thu i. Kum 18 khim mi ram mi hmuah hmuahin lailung loram per ai nai thil hnak khuan ngen thil i. pukmah 3-15 tian i.

#### Hlom III hnak

"A sut leh sal hnak lee loram le a thar ai ceek rem mi lailung loram hrang" thu i. upadi no. 16-23 tian i.

#### Hlom IV hnak

"A pe ai ap dun sang dun daan, pupa ro ai co ngah hnak, lairam lawng, lairam ram pha lo in a dang in thleng hnak, lee lo ram hrang, lailung loram per thil hnak" thu i. pukmah 24-46 tian rel i.

#### Hlom V hnak

Lailung lo ram per thil hnak khuan khiah zawn dun hnak le pe ai ap dun hnak thu i. pukmah 47-51 tian i.

#### Hlom VI hnak

Lee loram "Cek fel dun hnak le akul sam mi bawm hnak" thu i. pukmah 52-58 tian tel i.

#### Hlom VII hnak

Lailung loram per thil hnak khuan thu buai thu rel hnak le vum lam thu hlen dun hnak thu i. pukmah 59-63 tian i.

#### Hlom VIII hnak

Loram acozah in sut sal fangin harsa man le sumpai kuan hnak thu i. pukmah 64-68 tian tel i.

#### Hlom IX hnak

Lailung loram hman tuh hnak daan thu te i. pukmah 69-94 tian tel i.

#### Hlom X hnak

Lee loram tawrel tlang tuh hnak daan thu i. Pukmah 95 - 99 tian tel i.

Zanniat pon heh na pon ii.  
Zanniat calai heh na calai ii.  
Zanniat ram heh na ram ii.  
Na Pon hman tu!  
Na laai siar tu! Na ram it tu!

**Hlom XI hnak**

Le loram thu buai fangin Tazacuai dun hnak thu i. Pukmah 100-102 tian tel i.

**Hlom XII hnak**

Rawnkam tlór ram lailung lo ram per thil hnak khuan pehnak thu i. Pukmah 103-112 tian tel i.

**Hlom XIII hnak**

Thu nepnawi a phun phun pawl tin hlom hlai thum in khan i. Pukmah 103-117 tian tel i. Upadi pukmah no. 113 songah lo vai mipui khangso tuhnhak ruatin lovaitu pawlkom ding thil hnak thu khai tel i.

**President Thein Sein Ph.D ngah**

Thailand ram ai Bansomdejchaopraya Rajabhat University (BSRU) tein kin ram president U Thei Sein khiah **Honorary Doctor of Philosophy in Technology Management** pe i. January 23 nia Naypyidaw ai president in ah upat hnak thawn pe i. Kin ram presidentin upat hnak degree a dawng vel hnih hnak hang i.

**US President term 2 hnak hrang thukham bawn**

US president Barrack Obama khiah US ram president per tuh sal ai ril hnak bangin 20.1.2013 nia ah president in **White House** ah thukham bawn in ram konghoi peh tuh hang i. Thukham bawn hnak hmunah Martin Luther King Junior hmang hnak Bible leh president Lincoln hmanghnak Bible pa hnih vumah kut suan in thukhan tu hotu ber hmaiah thukham bawm i. US ram constitution bangin ram mipui te kum 4 song konghoi tuh in thukham bawn sal zo hang i.

**Zawngtah man pha**

Zawngtah thai thar lianglo hang le Kalaymyo ah a man pha ngai i. Lawng khat ah 100 hnia om lo i. Kalaymyo hiang cingkim lek zolo Tamu an India ram song tian phur ai zuar de manin man nai ngai i. Zawngtah thai camcu fangin a thai le a par sik ai a kung pahin lai dun de i. Zawngtah heh a konbang ram ah khai cing thil i manin kin khai cing ten ve nga sing khaw kum siar a sel li kul lo in tangka ngah thil tuh ve i sing.

**Webula hiang Voklu tlang ah Chromium co tuh thu**

Webula leh Pamuanchaung karlak ai Voklu tlang ah chromium co tuh thu khiah tun rori ah tu cang thil lai lo ti'n thu za i sing. Acozah lamin co siang hnak lai pe lai lo ti i. Ka menma in co tuh thu rel hnak menma i lai i tin umsin tlang te hnen an thu dawng i sing.

**Le Loram per thil hnak khuan**

Le loram per thil hnak khuan khiah hla 3 songah pe sek tuh ti thu za i sing. Tunai a per laitak le loram, ram thar nawr hnakte, acozah kuat sonagan ngen sal hnak loram te, ro co ai ngah hnak

ramte, pawl khiah Kalay myone song hmuah ah December 31,2012 nia panin bawn sah zo i.

Lovaitute hmuah in khua bawi in ah loram per thilhnak ngen tuh le loram dik ngai le hman ngai in bawn tuh sio sal i. Khuabawi te hnen an Myone Myay sazin zungah ap tuh le kankuat hiam tu um le khaw ni 15 songah kankuat thil i. Ciamanin Loram naitu te le ram thar nai tu te a rang thai ang berin loram per thil hnak ngen tuh ten in thu ling ruai dun i sing.

**Kalaymyo - Yangon Bus thar**

Kalaymyo - Yangon kar lak direct in bus feh zo hang i. Hlanlai ah tu Mandalay ah com kul de napui kin khungpui te pha sinsin hang manin directin bus feh thil hang i. Tunah Tetlan, Tintaingaug te feh li zo ai bus to man khai K.25000/- ah toklo vivo hang i. A pan ngomah tu K. 35000 inapui bus thar tam vivo le bus toh man khai toklo vivo hang i.

Yangon - Mandalay khai **Golden Myanmar Airway** in vanzuang thar thawn passenger phur ve tuh ai vanzuang to man khai Ks. 27000 ti i.

**Spitfire Vanzuang**

Janapan ram laiah mirangte in Spitfire vanzung a thar te khiah laipua songah phum in thup awng i. Ciami khiah tunah si ai co tuh salin Britist mi le kin ram tang tlangin si le Yangon Mingalardon airport, Myitkyina le Mikthila ah om ti i.

Myitkyina ah co le ti tam ze suak manin co be thil lo in com i. Yangon ah co leh sal napui tawk nawn lo i. Beidawngin com tuh ngawn mav ti lai ah NASA tein bawm le tunah tu a um hmun thiah ling ngah zo ai co tuh sal i.

Hemi spitfire ral do vanzuang khiah Laivum ralpui 2 hnak lai ah tu hmingthang ngai i. Japan te kin ramah lut manin hebang vanzung 100 vum khiah bet man lo in thing kuang songah pah phum i. A si hnak hlawhtling in tawk le khaw kin ram ah khai pe tuh ve ai a situ company le Britist te in khai co ngah tuh ve i.

**Lovaitu te ca**

2013 kum panin le lovai tu te khiah acre 1 ah ks. 100000/- acozahin zawn tuh hang i. Cen Khen vai tute, mipe, peni, nicia cingtute ca ah acre 1 ah ks. 20000/- zawn tuh hang i.

**Private tlawng le tlawng saya**

Private tlawng phuan hiam tu te ca Myone pinnyazihmu zungah ngen hnak lai thawn ngen thil hang i. Private tlawng saya per hiam te pawl khai 28.1.2013 nia panin ngen thil hang i.

**Tlawngta vit tu Sayama Cawhkuan**

2012 September hla 13 nia ah phun hrek tlawng ta pakhat khiah a kaipeu ah sayama nu in vit manin thu khan hnak zungah rel tuh in a pu in ngen i. A ngen hnak bangin a thula zingzoi le a vit peupeu i ti fing manin A vittu Sayama Daw Yi Yi Maw (Kum 52) khiah cawh kuan tangka Ks. 1000/- kuan tuh in thu rel cat i.

Cawhkuan kuan lo le khaw hla khat thawng to tuh in ti i. Saya/ma te in tlawngta te khiah vit dan, nun cuk dan tinapui sing khaw kin san thleng vivo manin vit thil lo hang i.

Ciawangpahin Okalapa (N) ai BEPS 25 hnak ai sayama ci pasal khiah phun hrek tlawngta vit manin thu buai suak i. Sayama te meeting tengah naupangte in len ngaih rung ngial le sayamaci pasal in naupangte na hah ti in hau ai Nanda Aung khiah vit i. Hemi thuah tu Sayamaci in ngaihthiam ngen ai tlawngta nu le pa te in khai ngaithiam manin zung hlang lo in ben ta i.

**2014 Rampui Mipum siar tuh**

2014 March 29 nia panin kin rampumpui mipum siarhnak nai tuh i. Hemi mipum siar hnakah hebangte tel tuh i.

1. Mipum siar cu 2014 March 29 zan seulai ah kin ram song om tu te.
2. Mipum siar cu 2014 March 29 zan seulai khel hnua ai thi te.
3. Ram dang hlang ram ca naepr tute le ram dang om kin ram mi te hmuah tel tuh i.

Hemi mipum siar hnak manin phat hnem hnak tu hmailam kin ram konghoi tuh dan le simanking nai tuh dan te ruat cia in khua khang thil tuh i. Ciamanin mipum siartute na hlang le khaw a zawt hnak hmuah pha nio in lo sawn tu. Hebangte pawl na zawt tuh i.

1. Hming, kum, biak hnak, miphun, na thil nai hnak hmuah, na thil hmang hnak te pawl, rawng aih ti din na si dan te pawl na zawt tuh i. Hman nio in sawn le si hmai lamah kin ram kin miphun khanso hnak ca tuh i.

**In kang**

Zanniat circle songai Belawi khua ah 21.12.2012 nia in kang i. U Lian Ling in kang ai nupui fanau te suak man napui tlan man lo a fate 3 maikang in thi fawm i. Amah U Lian Ling khai mai in kang ngah ve le sizung to i. Hebang bawngsiat tuartu insang ca Canada ram Unau siatton pawlkom, Falam Baptist Church, Chin Christian Church le Pu Hram Nai Luai te kom in \$ 600 bawm i.

Tlortang le Simcing khua thawn tute ca khai bawmhnak nio hlang ai a khua bawi te hnenah ap leh tuh i sing. A bawmtute Pathian in hmuifu pe tu seh.